

# اسم الله الحفيظ | الجزء 10 | #معرفة\_الله | د. أحمد جلال

أحمد جلال

السلام عليكم ورحمة الله وبركاته. اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه - [00:00:00](#)

ومن تدعون باحسان الى يوم الدين الى بعد اهلا وسهلا ومرحبا باخواني واخواتي واهلي واحبابي واسأل الله سبحانه وتعالى باسمائه الحسنی وصفاته العلی الذي جمعني وایاکم في هذه الساعة المباركة على طاعته ان يجمعنا وایاکم في جنته وذل كرامته. مع النبيين والصديقين والشهداء والصالحين - [00:00:19](#)

حسن اولئك رفيقا بعد اليوم باذن الله تبارك وتعالى اه مع اسم جديد من اسماء الله سبحانه وتعالى نحن في اشد الحاجة اليه الاسم ده يعني كل الاسماء سبحانه الله احنا فعلا محتاجينها - [00:00:39](#)

بس الاسم ده بالذات احنا محتاجينه جدا وبالفعل لو قدرنا نعيش مع الاسم ده صدقوني حياتنا كلها تتغير زي ما بالزبط حياة ناس كتير جدا جدا جدا في اعمالها وفي شغلها اتغيرت لما اتحطت كاميرات المراقبة - [00:01:00](#)

حياتهم اتغيرت بعد ما كان بيلعب ويبهز ويضحك في شغله. لان ما حدش شايفه ولا حد مطلع عليه ولا حد رقيب عليه. اول ما اتحطت المراقبة كل حاجة اتغيرت لانه استشعر ان في حد اقيم عليه. في حد يبسجل كل حاجة وهو بيكتبها وهو بيعملها -

[00:01:25](#)

الاسم اللي احنا هنعيش معه النهاردة كان النبي صلى الله عليه وسلم بالليل وبالنهار يدعو الله سبحانه وتعالى بهذا الاسم وكان حريص قوي النبي صلى الله عليه وسلم انه يعيش مع هذا الاسم. لانه حياة لنا كلنا. الاسم ده حياة لنا كلنا - [00:01:46](#)

قبل ما هتكلم على الاسم هتكلم على حاجة متعلقة بحياتك انت ليه دايم انا عايز اقول لك احنا في كتير من الاوقات بنبقى عايشين بالدرع شوية يعني اهو في الصدر انت انت وارد الحياة بالصدر كده - [00:02:05](#)

مع ان حقيقة الحياة لا تقاس بهذه الامور في يوم من الايام اب من الالباء الحفيظ خلاص اصل هو عايز يعمل بث مباشر على الصفحة والبث المباشر عايز يكتب اسم الدرس. خلاص انا حرقت انت حرقت كل حاجة. اسم الله الحفيظ. طيب - [00:02:24](#)

آآ اب من الالباء عشان اقول لك ان الحياة ما بتقاش ماشية بالصدر كده اب من الالباء اه اه كان دايم اولاده بيقعدوا يلعبوا في الفيش بتاعة الكهرباء لان هي كانت تحت شوية. لحد ما ولد منهم اتكهرب بس الحمد لله - [00:02:52](#)

الحقوه وانقذوه بفضل الله عز وجل الاب ده بعيد شوية عن ربنا سبحانه وتعالى. فهو مش قادر يعيش في الشقة دي انه شاف ابنه كاد ان يموت في المكان ده. فقام عامل ايه - [00:03:07](#)

اما قال شقة تانية. فلما نقل الشقة التانية حب ان هو آآ يأمن نفسه. حب ان هو يحافظ دي الفطرة. دي الفطرة يحافظ على ابنائه قام عامل ايه؟ وهو لسه بقى بيوضب الشقة كده كل كلم كل كلم كل الناس - [00:03:21](#)

الشغالين في الشقة بيغفأ واللي مش عارف يعمل ايه انه لما ييجي يعمل الفيشة يعمل الفيش وفين؟ عالية شوية. يعمل الفيشة عالية شوية. ليه؟ علشان ابنه ما يوصلهاش. وبالتالي انا بحافز على ابني وبحافز على البيت ده. في يوم من الايام هو بقى ذات نفسه طالع

[00:03:41](#) علشان يعني

ينور اللبة دي اللي هي عملها الفيشة بتاعتها بعيد شوية. طالع على الكرسي وقع على دماغه مات الحفاظ على البيت ما بيقاش بالستر الحفاظ على البيت ما بيقاش بالدرع. زي حد انا اعرفه. حد انا اعرفه. راجل اعمال كبير جدا. بس مشكلته انه بعيد عن ربنا

قوي - 00:04:04

يا عم المخازن دايما المخازن بتتسرق. فحب يحافظ يحافظ على التجارة بتاعته. فانا قلت له احنا قدامنا حاجتين. واحد حسن علاقتك مع ربنا سبحانه وتعالى. علشان ربنا يحفزك يتوب ضاعتك. اتنين حط مراقبة تقدر من خلالها تعرف مين اللي بيسرقك -

00:04:26

اللي لبس في دماغه اوي حط كاميرات المراقبة في المخازن. علشان يحافظ على المخازن واللي في المخازن ما يتسرقش طيب لسه الجزء الثاني من الحفز. اللي هو فطرة فيك. انت عايز تحافظ دايما على حاجتك. فكانت النتيجة انه خد الجزء الثاني من - 00:04:47  
ولسه الجزء الاولاني. ما احنا دايما بنتعامل مع ربنا بالسدر. وبتعامل مع الحياة بالدراع. فشوية خلاص الحمد لله من ساعة ما ركب كاميرات المراقبة الموضوع انتهى. ما عدش فيه سرقات ولا عاد فيه اي شيه. بس للأسف حصلت مشكلة صغيرة قد كده - 00:05:06  
ماس كهربى حصل في قلب المخازن الكبيرة بضاعة فيها بستة مليون جنيه اتحرقت ليه ما فيش حفظ؟ ما انا هاقول لك انك تحافظ على اللي معك دي فترة موجودة فيك. كل اللي انا شايفهم الان معزمهم لابسين جواكيت. حتى - 00:05:26

دكتور جاي ولا بس بقى العباية بقى ومقفل واحمد خلف لابس الجاكيت وانت اهو وانت كلکم تقریبا انت جايب الدرس ولا بس الجاكيت بتاعك ليه؟ لابس الجاكيت بتاعك ليه؟ انا لابس الجاكيت بتاعي علشان ما يجيليش برد علشان - 00:05:45  
بيكسر ضهري وبيجيب لي مش عارف ايه وبيعمل في ايه. فدي الفترة اللي ربنا فطرك عليها. انك بتحافظ على نفسك. اقول لكم على حاجة اغلب من يأكل حرام اغلب من يأكل حرام بيأكل الحرام من اجل الحفاظ على نفسه والحفاظ على أسرته - 00:06:04  
صوته واولاده. راح ياكل حرام علشان ايه؟ علشان ايه؟ يجيب فلوس ويأمن مستقبل الاولاد. بل اغلب الناس اللي بتسافر برضه اغلب الناس اللي بتسافر برة بتسافر من المنطلق الفطري ده. المنطلق الفطري ان انا دايما حريص ان انا احافظ على نفسي واحافظ على -

00:06:24

كل اللي حواليا والدي ووالدتي زوجتي واولادي صح بس دايما اللي وانا قلت لكم دايما يا اخواننا الواقع كتاب بنستفيد منه كثير جدا جدا لمن كان له قلب او القى السمع وهو شهيد. الواقع اللي بنشوفه من خلال الواقع ان الناس دايما بتاخذ بشق بنصف ما يتعلق -

00:06:44

بالنص في الاول بما يتعلق بمسألة الحفز وللأسف بتنسى اهم الاسباب اللي بتؤدي للحفز كثير من الناس كثير من الناس ممكن والعياذ بالله يمشي غلط ويمشي حرام عشان يحافظ على نفسه - 00:07:10

يعني ممكن في الشغل بتاعه يضرب تقارير ومش عارف يعمل ايه ويعمل ايه ويعمل ايه علشان يفضل محافظ على المكانة اللي هو فيها. ممكن يوقع ويأسف في زمايله اللي حواليه كل ده ليه؟ علشان يفضل في المكانة اللي هو موجود فيها يحافظ على ده. ممكن في بعض الاوقات - 00:07:28

حل اكل محل اكل متصل على الامن الغزائي ويبلغ في صاحبه اللي جنبه اللي هو فاتح محل اكل برضه جنبه علشان هو يفضل

المحافظ على الرزق بتاعه وده بيحصل وده بيحصل - 00:07:48

ولكن للأسف قضية الحفظ لازم نفهمها كويس قضية حفز الله عز وجل للعباد مش بالدراع قضية حفظ الله سبحانه وتعالى لعباده باصول وضوابط باصول وضوابط لازم نفهمها كويس جدا. الله سبحانه وتعالى سمى نفسه الحفيظ - 00:08:07

بس الحفظ مش بالدراع. خدوا النموذجين دول قدام عنيكم النموذج الاول نموذج لملوك بني امية فيما قبل الحب بتاعة عمر ابن

عبدالعزیز اللي هو بقى والعياذ بالله يعني يقتل ويسفك دماء ويهتك اعراض ويسرق اموال - 00:08:31

ويغصب اموال الناس ولما يسألوهم انتم بتعملوا كده ليه؟ قالوا احنا عايزين نأمن مستقبل اولادنا من بعدنا كانت النتيجة اولادهم كانوا يسألون الناس في الطرقات لله يا محسنين عمر ابن عبدالعزیز علم يقينا ان حفز الله لاولاده من بعدي مش هيكون بالدراع زي ما عمل الملوك اللي قبله والامراء اللي قبله - 00:08:56

ولكن حفز الله لاولاده بطاعته لربه سبحانه وتعالى. خد باعظم سبب من اسباب الحفز. فكانت النتيجة اولاد عمر ابن عبدالعزیز من

بعده كانوا ما بين مجاهدين في سبيل الله دعاء الى الله. اصحاب اموال وعقارات اخذوها بالحلال ويضعونها في - 00:09:23

حلال ناس ربنا رفع قدرها جدا. لان حفز ربنا لك او لاولادك من بعدك او لزوجتك او لوالدك لوالدتك. لا يكون ابدا بالدراغ انك تتجراً على ربنا. ولكن حفظ الله تبارك وتعالى لعباده انما يكون من منطلق ان تحفظ انت - 00:09:43

اولا ربك عز وجل. فاذا حفظت ربك سبحانه في اوامره بالفعل وفي نواهيهِ بالتترك كانت النتيجة حفظ الله من بين يديك ومن خلفك. كثير من الناس انا اعرف ناس كده. يعني انا اعرف مسلا راجل اعمال حبيبي اوي - 00:10:03

يعني المخازن بتاعته جنب البيت عندي. يوم ما حصل الانفلات الامني في مصر. وبدأ اي حد بيقدّر يملك حاجة او ياخذ حاجة بياخذها هذا الرجل اعرفه يعني في الخير انا ما رأيت يعني او يعني الراجل ده في الخير حاجة كبيرة اوي - 00:10:23

يعني ما نطلبش منه ابدا. يمكن اخونا حسام شاهد. ما نطلبش منه ابدا ابدا ابدا. ان احنا مسلا آآ آآ عايزين نجهز عروسة عايزين مش عارف ايه عايزين ايه الا اما يكون اول واحد بيبادر لده - 00:10:43

هو دايمًا قبل قبل الاجازة الصوفية يقعد معي ويقعد مع اخونا حسام ويقعد مع اخونا احمد ويبدأ يتكلم معنا الحفز والتحفيز والجوايز عندي وهصرف على الاولاد وهعمل وهسوي خدت بالك؟ يوم ما حصل الانفلات الامني وكانت المخازن بتاعته مليانة بضاعة بالملايين - 00:10:56

نزل جري من بيته على مكان المخازن. اول مشهد شافه زحمة كبيرة جدا. من الناس اوه البضاعة بتتسرق قرب شوية لقي الناس واقفين بالعصيان وشهم قدام المخازن. الله! وبيقولوا له يا حاج فلان ارجع حاجتك حاجتنا - 00:11:16

الله ايه ده ايه ده يعني طب ازاى رأى الناس من هذا الرجل الخير هم اللي راحوا كانوا بيحافظوا له على حاجته. ربنا سبحانه وتعالى حرك قلوب الناس. الناس دي تتحرك علشان يقفوا جنب الراجل ده - 00:11:39

ايه اللي بيحصل؟ ده حفز ربنا سبحانه وتعالى ما جاش بالدراغ. مش بالبلطجية اللي ييجوا يقفوا قدام المحل عندي ابدا. ما جاش بالدراغ. ولكن كان حفظ ربنا سبحانه وتعالى لعباده. انا عايز اوصل لجزئية مهمة جدا. الجزئية دي بتقول ان حفز الانسان على - 00:12:04

ما يملك دي فترة موجودة فينا كلنا وتحركنا دايمًا في الحياة لتحقيق هذه الفطرة وهذه الرغبة اللي موجودة في قلب كل انسان فينا الانسان المريض لما بيتعب شوية الانسان المريض لما بيتعب شوية بيروح لدكتور واثنين وثلاثة واربعة وخمسة ولو معه فلوس - 00:12:24

بيسافر برة ليه؟ دي فترة موجودة في الانسان انه عايز يحافظ على حياته الشباب اللي فيكم دلوقتي اللي كله بي فكر دلوقتي مع الاوضاع اللي فيها البلد انه عايز يسافر برة. هو عايز يسافر برة علشان - 00:12:47

حافظ على حياة كريمة طيبة هو عايز يعيشها لا تصوروا بس زي ما قلت لكم حفظ الله عز وجل لك ما بيجيش بالدراغ وانما حفظ الله عز وجل على وفق قوانين. تعالوا من البداية نشوف سلفنا الصالح رضوان الله عليهم. فهموا الجزئية دي ازاى؟ ونبدأ - 00:13:04

خش على الكلام بتاعنا. ايه بقى معنى اسم الله الحفيظ؟ وايه المعاني والدلالات بتاعته؟ كان بعض السلف يقول من احب ان تدوم له العافية ده اسمه حفظ الياه الصحة من احب ان تدوم له العافية فليثق بالله. اذا الناس دي فهتم قانون الحفز ربنا مش هيحفظك الا من خلال هذا المنطلق - 00:13:27

وقال العمري الزاهد يا الله! الكلمة دي بصوا خدوها مني وروحوا بيوتكم ما عنتوش تيجوا ثاني خالص الدرس بس اعملوا بس بالكلمة دي ماشي طلوعوا تليفوناتكم واكتبوها واكتبوها على قلوبكم - 00:13:51

واكتبوها في عقولكن. اوعوا تنسوها ابدا. قال العمري الزاهد رحمه الله كما تحب ان يكون الله لك فكن لله عز عالية اوي اوي اوي كما تحب ان يكون الله لك فكن لله عز وجل - 00:14:11

عايز تكون عايز ربنا سبحانه وتعالى يحفظك. كن حافظ لحدود الله. عايز ربنا سبحانه وتعالى يتوب عليك تب لله عز وجل. عايز ربنا سبحانه وتعالى يكرمك اكرم عباد الله سبحانه وتعالى. كما تحب ان يعني يكون الله لك فكن لله عز وجل - 00:14:33

وقال بعض السلف لما كتب لاخته رسالة على فكرة سنة غائبة عنا ان احنا نكتب لبعض كانت زمان موجودة زمان واحنا في ابتدائي واعدادي. كنا بنبت بعض الجوابات كنا كان استلم زمان بيعملوا كده - [00:14:54](#)

واحد قاعد في المدينة والثاني قاعد في الشام. فكان يكتب لاخته رسالة فكتب احدهم لاخته اما بعد فانه من اتقى الله حفظه الله ومن ضيع الله ضيعه الله في نفسه والله ولي العبد - [00:15:13](#)

شفتهم الناس دي كانت بتتكلم ازاى سيبه كويس قانون الحفز القولون ده اللي يفهموه من القرآن محمد او احمد او خالد او عمرو او زيد الناس المتزوجين معنا ومعهم اولاد ربنا رزقهم بالاولاد - [00:15:36](#)

بيفكر دايم ازاى يأمن مستقبل اولاده. اقول لكم وبكرة انتم هتعرفوا الكلام ده لما ربنا يرزقكم بالزوجات والاولاد بعد كده انك ممكن في بعض الاوقات تضيق اوي على نفسك وعلى زوجتك في الاكل وفي الشرب وفي الهدوم علشان تسبب مبلغ معين لاولادك - [00:15:52](#)

اقول لك ما هو اكبر من كده؟ ممكن ابوك وانا بقول لكم الكلام ده يا ولاد علشان تبقى عارف قيمة والدك ووالدتك. انا مش عايز الدرس يبقى بعيد عن واقعنا. انا عايز الدرس دايم مربوط بواقعنا - [00:16:11](#)

ابوك ممكن في يوم من الايام يبقى ماشي في الشارع بص هيموت من البرد وهو في حاجة ان هو يروح يشتري لنفسه جاكيت بس هو افكر ان انت داخل خلاص بقى على موسم الدراسة وهتحتاج حاجة وانت شكلك يبقى حلو كده وانت رايح الكلية قدام الناس - [00:16:25](#)

فهو حرم نفسه اصلا علشانك ده اولاه هيترب منك بر. دي حاجة طبعا مهمة جدا. انا عايز بقى الحاجة الثانية الاب عمل كده على وفق قانون الحفز اللي موجود في فطرتنا كلنا - [00:16:45](#)

الاب عمل كده علشان يحافظ بص مش عليك. ده هو عايز يحافظ على شكلك قدام الناس شفت ابوك وعلى فكرة الام برضو بتعمل كده واشد من كده حضرتك ممكن تكون نايم تحت خمستاشر بطانية حاططهم فوق نفسك كده. وهو الاب والام جوة يعني عليهم يا دوك بطانيتين. يعني - [00:17:02](#)

والله العظيم الاب ده بيقوم جاي واخذ بطانية من اللي عليه ويروح يغطيها بها قانون الحفز والدك ووالدتك عايزين يحافظوا عليك اللي انا كنت عايز دايم اكده اكد عليه معكم - [00:17:27](#)

ربنا سبحانه وتعالى قال لنا في القرآن وليخش الذين لو تركوا من خلفهم ذرية ضعافا خافوا عليهم بيعملوا ايه فليتقوا الله. ايه العلاقة بين ان انا اكون اتقي الله عز وجل وحفظ اولادي؟ لا ما هو ده اعظم حاجة تحافظ بها على اولادك. انك تكون انسان - [00:17:46](#)

لزا كان سعيد ابن المسيب او المسيب كما في ضبط لبعض العلماء يجمع اولاده ويقول لهم والله يا اولاد لازيدن في صلاتي من اجلكم انا هزود من صلاتي وقيامي وطاعتي لله علشانكم - [00:18:07](#)

وهذا ما قاله الله عز وجل واما الجدار فكان لغلامين ها؟ يتيمين في المدينة وكان تحته ها؟ كنز لهما وكان ابوهما الراجل كان صالح. الراجل ده عرف قانون الحفز صح. الراجل عرف كويس جدا ان الحفز مش بالذراع - [00:18:24](#)

الحفظ بتقوى الله. الحفظ وسع لجذك بسرعة ولوالدك بسرعة وسع له يلا بسرعة الحفظ كقانون من ربنا سبحانه وتعالى هو متوقف على حالك مع ربنا سبحانه وتعالى متوقف على حالة مع ربنا سبحانه وتعالى. لو عايز فعلا ربنا سبحانه وتعالى يحفظك انت اتق الله. اولاه ساعتها الله سبحانه وتعالى يحفظك - [00:18:44](#)

تعالوا من البداية كده بعد ما اصلت بس للقانون ده اللي هو داخله بقى لدرسنا النهاردة نعرف اولاه هو يعني ايه ربنا سبحانه وتعالى حفيظ؟ المعنى الاول من معاني اسم الله الحفيظ كما قال الامام الحليمي رحمه الله او الحليمي كما قاله بعض اهل العلم. قال الامام

الحليمي رحمه الله الحافظ - [00:19:12](#)

معناه الصائم لعباده عن اسباب الهلكة في امور الدين والدنيا. معنى الحفيظ اي الذي يحفظك من كل شئ يضرك من الامور اللي ممكن تفسد عليك دنيتك او اخرتك من الامور اللي ممكن في يوم من الايام تفسد عليك دينك - [00:19:32](#)

او دنياك فالحفيظ هنا معناها فالحفيظ هنا معناها هو الذي يدفع عنك كل شر وكل سوء وكل مكروه وكل اذى ده المعنى الاول من معاني اسم الله الحفيظ. المعنى الثاني من معاني اسم الله الحفيظ قال هو الذي يحفظ على الخلق - [00:19:55](#)

اعمالهم ويحصى عليهم اقوالهم ويعلم نياتهم وما تكن ولا تغيبوا عنه غائبة ولا تخفى عليه خفية دول المعنيين المتعلقين بسم الله الحفيظ. المعنى الاول بمعنى العناية والرعاية والصون والحفاظ عليك - [00:20:18](#)

في دينك ودنياك. دنيتك واخرتك. المعنى الثاني ان ربنا سبحانه وتعالى احصى وعدى عليك كل صغيرة وكبيرة تصنعها حفيظ هنا يأتي بالمعنى العليم انه علم كل حاجة انت عملتها هنقف النهاردة باذن الله تبارك وتعالى مهما يتعلق بالمعنى الاول وهو الصائن لعبده عن اسباب الهلكة في - [00:20:44](#)

لدينه ودنياه هضيف بس كلمة ولا يحل لمثلي ان انا اضيف كلمة على كلام علمائنا ومشايخنا الاقدمين ولكن نقول واخرته ايضا دين ودنيا واخرة اخوانا واحبابنا الحياة من حوالينا كلها مشاكل - [00:21:10](#)

كلها شعور كلها افات النبي صلى الله عليه وسلم كان دايمًا بينظر الى اسم الله الحفيظ كان عايش معه لذا علمنا صلى الله عليه وسلم في سنته في سنته انه كان يقول لنا في الصبح وبالليل - [00:21:30](#)

اللهم اني اسألك العفو والعافية في ديني ودنياي واخرتي واهلي ومالي. اللهم استر عوراتي وامن روعاتي. اللهم ها؟ ايه احفظني. ادي النبي عايش مع اسم الله. الحفيظ. اللهم احفظني من بين يدي ومن خلفي وعن يميني وعن شمالي ومن فوقي - [00:21:49](#)

واعوذ بعظمتك ان اغتال من تحتي. كان صلى الله عليه وسلم يقول ايضا في دعائه اللهم احفظني بالاسلام قائما فظي بالاسلام الحديث بطوله. كان صلى الله عليه وسلم ايضا كان يقول اللهم فاطر السماوات والارض عالم الغيب والشهادة رب كل شيء -

[00:22:09](#)

اشهد ان لا اله الا انت اعوذ بك من النفس فيها امراض ممكن تؤذيك اعوذ بك من شر نفسي. اتنين ومن شر الشيطان واياه وشركه ضبط وشركه ضبط. ايه الفرق بين الاثنين؟ الشرك عارف الصياد اللي اللي تلاقيه مسلا ايه كنا زمان لما - [00:22:29](#)

نصطاد كده كان كنا بعض الناس كانت بتصطاد بسونار وبعدين كنا بنعمل شبكة كده دايرة وبنعمل شبكة لها على وشها كده داخله لجوة ونحط الاكل جوة. يبجي السمك يقوم داخل من قلب الشبكة. اذا دخل ما يعرفش ايه؟ ده اسمه شرك - [00:22:55](#)

وده الناس اللي هم بقى ايه في اماكن الغابات والكلام ده تلاقيه جايب حاجة حديد كده. شفت المصيدة بتاعة الفران ده اسمه شرك او زمان كانوا بيحبوا حاجة حديد كده اول ما يبجي الحيوان يعدي عليها تقوم ايه؟ قافلة عليه اسمه شرك. الشرك ده الشيطان كل يوم بيحط لنا في طريقنا عشرين - [00:23:12](#)

ثلاثين الف شرك من دول فالنبي بيقول يا رب يا رب انا عايزك تحفزي من ايه؟ من شرك الشيطان من شرك الشيطان هو ربنا سبحانه وتعالى ممكن يحفظني في ايه - [00:23:31](#)

بالمعنى ده يحفظني في ايه واحد يحفظ الله تبارك وتعالى لك دينك اول نوع من انواع حفز ربنا سبحانه وتعالى لك انه يحافظ لك على دينك اخوانا احنا ياما شفنا ناس - [00:23:48](#)

مشيوا في طريق ربنا سبحانه وتعالى وبعد شوية انتكسوا ورجعوا للمعصية وبعد شوية بعدوا اكثر عن ربنا. وبعد شوية بقى دعاة للمعصية. ايه اللي حصل؟ فيه خلل حصل في دين الانسان ده - [00:24:08](#)

يا اخوانا احنا شفنا ناس كانت مع النبي صلى الله عليه وسلم كما في صحيح مسلم في واحد اسلم مع النبي وكان بيكتب للنبي صلى الله عليه وسلم الوحي وانتكس - [00:24:24](#)

مرتد وارتدت بعد ما كان كاتب وحي دينك هو اعظم شيء انت بتملكه في حياتك دينك هو الحاجة اللي هتنجيك يوم القيامة وانت واقف بين ايدين ربنا سبحانه وتعالى فلازم يكون نظرك مع اسم الله الحفيظ اول نظرة انك تدعي ربنا سبحانه وتعالى يا رب احفظ لي ديني - [00:24:37](#)

كما سيأتي الان يا رب احفظ لي ديني يا رب احفظ لي ديني. يا رب جنبني الفتن. يا رب ابعد عني المعصية. يا رب خليني دايمًا طائع



قريب منك يا رب جنبني فتنة النساء. يا رب جنبني فتنة المواقع الباحية. يا رب جنبني يا رب فتنة النظر للبنات. يا رب - [00:25:02](#)  
حافظ لي على ديني. يا رب اصلح لي ديني الذي هو عصمة امري حرص الانسان منا على دينه. اسم الله الحفيظ يخليك دايمًا تعيش  
معه انك يا رب احفظ لي ديني. ازاي ربنا سبحانه - [00:25:26](#)

تعالى يحفظ لك دينك. نماذج من القرآن. واحد من حفز الدين. واحد ان يربط الله على قلبك في وقت الفتنة. ازاي اصحاب الكهف  
اصحاب الكهف الشباب الصالح دول واقفين بين ايدين الملك. ده ما الملك دعاهم لما سمع ان هم تركوا دينه. الملك - [00:25:43](#)  
اقفوا هنا والسيافين ارفعوا السيوف حاجة من اتنين يا اما تفضلوا على دينكم ونطير رقبتكم يا اما ترجعوا لدينكم وتعيشوا معنا حياة  
عزيزة كريمة. هتختار ايه؟ لما تخير بين على الدين او ترك الحياة - [00:26:04](#)

ساعتها ربنا سبحانه وتعالى قال لنا قال الله عز وجل انهم فتية امنوا بربهم وزدناهم هدى ها؟ وربطنا على قلوبهم اذ قاموا. تخيل  
معي. تخيل معي. يعني ايه قول الله وربطنا على قلوبهم اذ قاموا - [00:26:26](#)  
موطن زي ده السيف مرفوع على رقبتك انك مرعوب. وبخاصة على فكرة انا قلت لكم ان حماية الانسان وحرص الانسان انه يحافظ  
على دي في حد ذاتها ايه فطرة دول شباب فطرتهم بتقول لهم حافظوا على نفسكم. بايه - [00:26:45](#)

واعبدوا الاصنام زي ما كنتم بس هو هنا خالف كل حاجة. بس مش بالدرع لا ابدا ابدا. ده لولا ان ربط الله على قلبه وتشوف تحس  
بقي وهو بيكلم ربنا بيقول وربطنا على قلوبهم اذ قاموا. سيوف مرفوعة ورماح كده مرفوعة واسهم كده - [00:27:04](#)  
كل ده يعني حوالبهم. كلمة واحدة يعني وكل ده خلاص. بقوا في خبر كان قال الله وربطنا على قلوبهم اذ قاموا شف الكلام اللي  
يشعر بالجرأة بقوة القلب. ربنا رب السماوات والارض. بيقولوا للملك. ربنا رب السماوات والارض. لن ندعوا من دون - [00:27:27](#)  
الها. لقد قلنا اذا انشططا. هؤلاء قومنا اتخذوا من دونه الهة. لولا يأتون عليهم بسلطان بين فمن اظلم ممن على الله كذا. ايه ده! ايه ده!  
ده كلام واحد واقف السيوف من حوالين مرفوعة كده والرماح منصوبة! ايه ده! معقول - [00:27:51](#)

الله على قلبه في وقت الفتنة ربط الله على قلبه في وقت الفتنة. بقى سهل كده؟ اه لانه كان عايش طول عمره مع اسم الله الحفيظ.  
يا رب احفظ لي ديني - [00:28:11](#)

اتنين ان ربنا سبحانه وتعالى يحفظ يحفظ عليك دينك امام الشهوات. ماشي يا جميل. يحفظ عليك دينك امام الشهوات شاب كامل  
قوته كامل شبابه كامل حيويته وبين عشية وضحاها كده امرأة جميلة وذات مال وذات منصب ونازلة من عربية - [00:28:24](#)  
ام الفئة السابعة وبتقول له انا معجبة بك وبحبك بتعمل ايه بيعمل ايه فتنة صعبة. بس هنا بيظهر اسم الله الحفيظ ان في يوم من  
الايام واحدة معك في الجامعة تبعت لك رسائل وتتمحت فيك باي طريقة وتبعت لك واحد واتنين وتلاتة واربعة وخمسة وستة -  
[00:28:50](#)

الواحدة في الدفعة وبنت الدكتور بتاعة بتاع المادة الرخمة اللي انت يعني خايف منها. ويوم ما البنت دي ترضى عنك خلاص عدت  
معك يا ريس هتعمل ايه انتم بتضحكوا ليه الضحكة دي يعني! الضحكة دي وراها ان. اه واحد بقى زكي يقول لي ايه خلاص اروح  
اتقدم في الحلال للدكتور - [00:29:19](#)

تعدي السنة وايه؟ يا فكيك يوسف عليه الصلاة والسلام احتفال بالقصر وهو شاب وبعيد عن اهله والمرأة هي اللي بتدعوه ودي امرأة  
ايه غنية وجميلة وزات منصب وجمال ودلالة - [00:29:43](#)

قالوا وكل حاجة مهياة يقول لها لا والله انا مش بتاع الكلام ده انا مش بدي احكي لمزة انا الحمد لله انا انا انا حافظ لحدود الله. انا  
مش هعدي الحدود - [00:30:04](#)

ربنا يقول لنا ان حفز الله عز وجل ليوسف ما جاش ابدا يا اخوانا والله بالدرع ولكن جه اولًا بعلاقة كانت بينك وبين ربنا. فاصحاب  
الكهف ربنا قال لنا قبل ما يقول لنا الربط قال لنا انهم فتنة امنوا بربهم وايه؟ وزدناهم هدى. بعدها على طول - [00:30:19](#)  
يبقى هم اولًا قدموا. فكانت النتيجة ربنا ربط على قلوبهم. يوسف عليه الصلاة والسلام تخيل بقى كده ربنا بيقول كذلك فاصرف عنه  
السوء والفحشاء. ليه؟ ليه؟ ليه؟ انه من عبادنا المخلصين. ربنا سبحانه وتعالى حفظ يوسف - [00:30:36](#)

00:30:56 - دینہم

انت کیان تھوں حافظ لحدود اللہ سبحانہ و تعالیٰ - 00:31:39

00:32:00

00:32:21 -

عن ذلك اصلا لان قلبها موجود برينا سبحانه وتعالى - 00:32:54

صورة في واحد الصورة دي بتحركه لصورة - [00:33:31](#)

اعوذ بالله قام قافل التليفون وقام اقوم - 00:33:59

00:34:09 - دينك من حفظ الله سبحانه وتعالى ان حفظ الله لدينك -

دوام الشهود - 00:34:43

لَكَ اسْتَقَامُوا عَلَى دَوَامِ الشَّهَادَةِ. وَعَلَى انْفِرَادِ الْقَلْبِ بِاللَّهِ. هُوَ قَلْبُهُ مَعَ رَيْنَا بَس. هُوَ كَانِ عَائِشَ كَدَه - 00:35:10

لك استقاموا على تصفية العقد العقد اللى بينى وبين ربنا ان نعبده. فالعقد ده صافى. ليس فيه ما يكبره - 00:35:43

وعلى توفية العهد اي دوام الاستمرار على هذا العقد قال بعضهم استقاموا باقوالهم ثم باعمالهم ثم باحوالهم مع ربهم عز وجل. اقوال وافعال وحال قلب كانت النتيجة تنزل عليهم الملائكة. امتى - [00:36:11](#)

امتى ؟ عند الموت. آا الامام الرازي قال لكم الكلام ده مش صحيح. قال في مواقف ثلاث عند الموت وفي القبر وعند البعث. ثلاث مواطن الملائكة معك. الا تخافوا ولا تحزنوا وابشروا بالجنة التي كنتم توعدون. نحن اولياؤكم. يعني ايه ؟ اسمعوا - [00:36:34](#)

اللي جاي ده لابن الجوزي كلام عالي قوي قوي قوي. بيقول نحن اولياؤكم قال ابن الجوزي رحمه الله في تفسيره الماتع احب كتاب تفسير قلبي تفسير زاد المسير لابن الجوزي. بيقول رحمه الله - [00:36:55](#)

كانت الملائكة تتولى هؤلاء المؤمنين في الدنيا. وتحبهم لما ترى من اعمالهم المرفوعة الى السماء. فقالوا لهم نحن لكم في الدنيا. يعني انتم بتموتوا ونتولاكم في الآخرة ولا نفارقكم حتى ندخلكم الجنة - [00:37:11](#)

ربنا يحافظ على دينك حتى وانت بتموت مش كده وبس. من حفظ الله عز وجل. من حفظ الله عز وجل لعباده. ان يهديهم لسبيله وطريقه ان ربنا في يوم من الايام يهديك لسبيله وطريقه. بنت في يوم من الايام بتفتح الفيس. لقيت مقطع مؤثر جدا جدا جدا - [00:37:30](#)

جدا جدا لشيخ. تأثرت به يا اخوانا الشيخ ده مين ؟ ده الشيخ فلان. في مسجد ايه ؟ في مسجد فلاني راحت حضرت للشيخ التزمت مع الشيخة وانتقبت في درس الشيخ واصبحت هذه الفتاة من خيرة عباد الله عز وجل. هو ايه اللي حصل ؟ هو ربنا وقف لها مقطع بس في طريقها - [00:37:54](#)

هداها الله لسبيله سبحانه وتعالى. خبى قلبها هنا. بس خبى بقى هنا كنت قاعد مع كنا في عزاء من يومين ثلاثة آا فقابلت في العزاء حد من من اخواننا وظباط الجيش - [00:38:17](#)

لقيته ما شاء الله بيتكلم عن ربنا بطلاقة ما شاء الله كلامه كده يعني ايه ما شاء الله جميل قوي. قلت له يا ابني كلامك ده يوديك في داهية. ايه اللي انت بتقوله ده - [00:38:35](#)

فقال لي والله اقول لك على حاجة غريبة جدا. انا وانا ملازم اول لسة عملت مشكلة مع قائد الكتيبة وانا تيقنت ان دي فيها محاكمة لان انا بقى لسة عيل صغير زبطة صغيرة كده لسة بقى داخل فقمتم طاقش معه مش واخدة الحياة الميري بقى بيزعق - [00:38:45](#)

هل يوم تزعق له مش عارف عمل ايه ، قمت عامل ايه ، فقلت بس دي محاكمة. كل زمايلي اللي حواليا قعدوا يقولوا لي ايه ؟ قعدوا يقولوا لي يا ابني انت ما جيتش تقع على اللي مع ده! ده راجل - [00:39:05](#)

ده ده الشر بينط من عينه. يا ابني مش عارف ايه قعدوا يكلموني خلاص انا اتحاكم وخلاص انا هتشقلب قريب يوليو سبحانه الله انا ما كنتش بصلي انا ما كنتش بصلي - [00:39:15](#)

بس سبحانه من ساق هذا الموقف لهذا الانسان علشان يقول له ساهديك الى سبيلي. انا هجيبك هنا يقول لي قمت بالليل الراجل ده متكبر جدا ومتعنت جدا ومش عارف ايه ما حدش بيعرف يكلمه - [00:39:28](#)

يقول لي والله قمت بالليل وقعدت اصلي وصليت ركعتين ويا رب ومستقبلي ويا رب خليك معي ومش عارف ايه فبيقول لقيت صبحت لي في المكتب فرحت بقى وانا ايه انا آا ركبي بتخبط في بعضها كده. بس خلاص - [00:39:46](#)

هيقول لي انا حاولتك مش عارف مكتب وهي عمل في ويسوي في خلاص محاكمة عسكرية محاكمة عسكرية بيقول لي كده يا ابني انت لسة صغير في السن وليه التحميل ده ما ينفعش وما يصحش - [00:40:02](#)

ولقيته بيتكلم معي كلام لو ابويا مش هيقول الكلام ده وعامة انا هعديها لك عشان انت لسة صغير نروح بقى ايه آا شف شغلك وكده قلت سبحانه الله! قلت في نفسي - [00:40:15](#)

بقى بالركعتين ربنا يخرجني من الورطة دي ويحفظ علي اللي انا كنت عايزه لأ انا من يومها حالي كله اتغير ان ربنا سبحانه وتعالى يهديك الى سبيلك علشان يحافظ لك على دينك. بس لازم تقدم خد بالك. قال تعالى والذين جاهدوا فينا - [00:40:28](#)

لنهدينهم سبلنا. قال ابن الجوزي لنهدينهم سبلنا اي لنوقفنهم لنوقفن انهم لاصابة الطريق المستقيمة. انا هوفقهم لاصابة الطريق



المستقيم وقال البغوي لنهدينهم سبلنا اي لنثبتنهم على طاعتنا ربنا يثبتك على طاعته سبحانه وتعالى - [00:40:49](#)

مش كده وبس ومن حفظ الله سبحانه وتعالى لك انه دايم كده يوقف في طريقك اللي يكون سبب لهدايتك. مش موقوف. هو يوقف لك حد يكون سبب لهدايتك حد يغير من حياتك من طبيعة مشيك من طبيعة من طبيعة سيرك في هذه الحياة - [00:41:17](#)

النبي قال لنا الموقوف ده في قصة الغلام والساحر بصوا في حديث صهيب قال سمعت النبي صلى الله عليه وسلم يقول كان في من كان قبلكم ملك وكان له ساحر. فلما كبر الساحر قال للملك اني قد كبرت فابعث الي غلاما اعلمه الايه - [00:41:41](#)

يبقى الغلام اللي هيجيبوه جايبيته علشان ايه؟ يبقى هو بيحط طريقه على طريق الايه؟ الكفر والضلال والبعد عن الله بس سبحان الرب الحفيظ الا لما يحب يظهر اثار حفظه لك يوقف في طريقك حد ياخذ بايديك لربنا - [00:42:01](#)

فبعث اليه غلاما يعلمه فكان في طريقه اذا سلك الى الساحر يمر على راهب فقعد اليه وسمع كلامه فاعجبه يا الله كم راهب وقف في طريق حياتك؟ وصلني كثير ان ربنا في يوم من الايام يوقف في طريقك حد ياخذ بايديك لربنا سبحانه وتعالى امر عظيم جدا. مش كده وبس - [00:42:22](#)

من حفظ الله عز وجل للدين انه يحافظ عليك دينك ان ربنا سبحانه وتعالى يوفق انسان انه يبذل من دمه وجهده وماله ووقت اهله علشانك عبدالله بن ياسين اللي يعرفه يرفع ايده - [00:42:54](#)

واحد اتنين ثلاثة اربعة عبدالله بن ياسين ده انموذج من النماذج اللي ربنا وضعها للناس وده يخلينا يا شباب نرجع شوية لسنة ربعية وثمانية هجرية بعد ما ربنا فتح شمال افريقي وافريقيا والسنغال والنيجر والبلاد الافريقية دي كلها - [00:43:19](#)

يحيى ابن ابراهيم كان زعيم قبيلة كبيرة جدا من القبائل المشهورة في افريقيا موجودة في السنغال. آآ هذه القبيلة كما يقول القاضي عياض رحمه الله ما كانوا يعرفون من الدين الا الشهادتين. وكان الرجل ربما ربما يزني بزوجة - [00:43:48](#)

وجاره راض بذلك. انتشر فيهم الشرك وانتشرت فيهم المعصية. وانتشرت فيهم البعد عن الله سبحانه وتعالى. لم يتحمل يحيى ابن زعيم قبيلة بني جدالة ما تحملش المنزر ده. طلع للقيروان في تونس مكان وماوى للعلماء. قال له تعال انا عايزك تحافظ على الدين في - [00:44:07](#)

الحقة اللي انا عايش فيها. نزل بسرعة مع عالم جميل اسمه عبدالله بن ياسين. عبدالله بن ياسين عالم من علماء المالكية. نزل لقبائل بني علشان يعلمها الدين ويحافظ لها على الدين. بس للأسف بتوع المخدرات او بتوع الخمرة في الوقت ده مش هيسمحوا له انه يكون موجود وسطهم. واللي - [00:44:27](#)

بيوت للدعارة مش هيسمحوا انه يكون موجود وسطهم. زي ما في زمنا اهل الفسق والفجور لا يسمحون بوجود دعاء وسطهم ولا وسط المجتمع بحاربوهم ليل نهار. بيحاربوهم ليل نهار وبيقوموا السلطات عليهم ليل نهار - [00:44:47](#)

ما هو الناس لو تدينتم مش هتبص على العارية في الفيلم. ولا هتبص على رقاصة في كليب عاملها عبدالله بن ياسين هدد وضرب واضطرد عبدالله بن ياسين من قبيلة بني جدالة. طردوه - [00:45:06](#)

عبدالله بن ياسين عرف كويس جدا ان ده واحد ربنا جعله ووظيفته الاساسية انه يحافظ على دين الناس خلاص كان يقول يخبطوا دماغهم في الحيط يروحوا في ستين داهية وانا حر وانا قايل لي تجابرنى على التعب ده انا اطلع تاني بقى وسط طلبة العلم - [00:45:24](#)

بيحبوني وبيقدروني اللي كانوا بيشيّلوا لي الحزاء فوق دماغهم لا لا عبدالله بن ياسين ساب هذه القبائل اللي هي كانت موجودة في السنغال ونزل تحت شوية الى آآ مكان آآ ابن خلدون بيقول ان هو تقريبا كان في بلاد - [00:45:43](#)

نزل وعمل خيمة كان في شباب حب الدين مالي قلوبهم زيكم. حسابكم كذلك وذاكر على الله احد غاروا جدا ان ازاى راجل الدين ده يطرد بالصورة دي؟ نزلوا له تحت وقالوا له احنا عايزين نتعلم الدين على ايديك. ان ربنا يوضع يضع بين - [00:45:58](#)

العالم اللي انت تحبه وترتبط به عبدالله بن ياسين نزل تحت على مجرى نهر النيل تحت خالص. وقعد في الاماكن دي على نهر هناك. قعد في الاماكن دي وعمل لنفسه خيمة - [00:46:19](#)

وبدأ خمس شباب خمس شباب بس يجو له من السنغال وينزلوا علشان يتعلموا على ايديه العلم ويتعلموا على ايديه الدين ويعلموا على ايديه الخير طاعة الله سبحانه وتعالى. وبدأ يجتهد اكثر للحفاز على دين الناس. الخمسة بقوا عشرة. والعشرة بقوا مية. والمية بقوا مية الف والمية الف - [00:46:32](#)

وربعميت الف المية الف بقى ربعمية الف عبد الله بن ياسين اسس دولة هي من اعظم الدول الاسلامية اللي قامت في تاريخ المسلمين. وهذه الدولة كانت تعرف بدولة المرابطين دولة المرابطين اللي كانت بقيادة عبدالله ابن ياسين رحمه الله. اللي لما كانت الاندلس بتسقط - [00:46:52](#)

طلع من افريقيا من جنوب افريقيا من جنوب غرب افريقيا يطلع فوق ويعدي البحر ويخش بلاد الاندلس ويرجع ثاني بلاد الاندلس للمسلمين مرة ثانية بعد طرد الصليبيين منها عبدالله بن ياسين ان ربنا في يوم من الايام يوضع لقبائل بني جدالة هذا الرجل اللي ياخذ بايديهم لطاعة ربنا سبحانه وتعالى - [00:47:15](#)

ياه من حفز ربنا لدينك ان كل ميت سنة يجدد الله سبحانه وتعالى لهذه الامة من يحفظ لها دينها. من اسأل الله ان يجعلني واياكم ممن يجددون للناس امر دينهم. يا اخوانا عيشوا مع المعاني دي. عبدالله بن ياسين نواه - [00:47:37](#)

دولة المرابطين لوحده حافظ حافظ على دين الاف ومئات الاف من الناس. في افريقيا وفي اوربا رضي الله عنه ورحمه الله رحمة اباؤنا واجدادنا تاريخنا اللي مليون نور. عبدالله بن ياسين رحمه الله رحمه الله. من حفز الله سبحانه - [00:47:57](#)

وتعالى ايضا لك من حفظ الله سبحانه وتعالى لك. ان ربنا حاضر. ناخذ دهو ونرفع الاذان. ان ربنا عشان يحافظ لك على دينك يوفقك انه يقظي في قلبك ان الدين دا يبقى بالنسبة لك غالي اوي. فانت اهم دعوة انت دايم بتدعوها ان ربنا سبحانه وتعالى - [00:48:17](#)

دايم ياخذ بايديك ويحفزك ويعصمك من الفتن. عامر ابن عبد قيس عمرو بن عبد قيس من التابعين الاجلاء اللي كان له صوت كبير جدا وسط الناس ربنا سبحانه وتعالى حفظه وحفظ له دينه. بسم الله والحمد لله والصلاة والسلام على رسول الله صلى الله عليه وسلم وبعد - [00:48:37](#)

عامر بن عبد قيس رحمه الله كان رجلا من الصالحين وكان هدي السلف دايم ان هم بيحبوا دايم يخفوا العمل الصالح بتاعهم اه عمرو بن عبد قيس في يوم في سفر - [00:49:05](#)

كان حد دايم بيسافر معه فكل شوية يشوف عامر ابن عبد قيس يسب الناس ويطلع بسرعة ياخذ جمب كده بيسأل نفسه بيروح فين لحد ما في مرة قلت والله لاتتبعن عامر ابن عبد قيس. انا قعدت اتبعه كده لقيته واقف ورا الشجرة يصلي صلاة والله ما رأيت احسن منها - [00:49:20](#)

ركوعا ولا سجودا ولا خشوعا وهو يرفع يديه الى السماء ويدعو الله سبحانه وتعالى يقول اللهم اني سألتك ثلاثا فاعطيتني اثنتين من اعطني واحدة. يا رب انا سألتك ثاني حاجاتي - [00:49:41](#)

اديتني اثنتين ولسه واحدة قال فلما انهى صلاته وجدني امامه فقال لي اقسمت عليك بالله. اقسمت عليك بالله. اقسمت عليك استر علي. ما تقولش للناس ان انا كنت ايه ان انا كنت بصلي استر علي. فقال والله لا استر عليك حتى اعلم الثلاث - [00:49:55](#)

اعرف الثلاثة وقال فان قلت لك تستر علي فقلت بلى. قال سألت الله عز وجل في الاولى ان يذهب من ان يذهب من قلبي فتنة النساء فوالله الذي لا اله الا هو لا ابالي اجدار مررت عليه انا امرأة - [00:50:19](#)

شدوا حيلكم بقى. شدوا حيلكم. واما الثانية فدعوت الله عز وجل ان يذهب يذهب من قلبي مخافة الرجال حتى اتكلم بالحق فاصبحت والله ما اخاف الا الله واما الثالثة فلم يعطها الله لي قلت فما هي الثالثة - [00:50:46](#)

قال دعوت الله ان يذهب عني النوم حتى اعبد عمرى كله اللي ربنا عز وجل ما ادهاش ليه الناس اللي بتبقى مشغولة بدينها ودايم بتدعي ربنا الحفيظ انه يحفظ لها دينها ربنا بيديها لها. بيدي لها ما طلبت. من حفظ الله سبحانه وتعالى ان يحفظ ايضا عليك الله - [00:51:07](#)

الله سبحانه وتعالى دنياك ان ربنا سبحانه وتعالى من سور الحفظ انه يحفظ عليك دينتك. مش الدين بقى؟ الدين والدنيا كمان. ازاي

ربنا يحفظ عليك الدنيا؟ واحد انه احفظ عليك مالك. زي ما ربنا سبحانه وتعالى حفظ السفينة لاصحابها. هو ليه سيدنا الخاضر ربنا بعته لاصحاب السفينة - [00:51:28](#)

السفينة كانت ايه كانت هتتاخذ لان السفينة جميلة وكويسة. الملك كان هياخذها. فيبعت الخضر علشان يكسر السفينة علشان السفينة تفضل محافظ على هذه السفينة لهؤلاء الفقراء المساكين ان ربنا سبحانه وتعالى يحفظ عليك دنيتك. اعرف ناس والله لو تاجروا في التراب يكسبوك - [00:51:50](#)

استوكير كويس جدا مع ربنا سبحانه وتعالى في ناس يا اخوانا كده في ناس يا اخوانا كده حافظ على الدين ان ربنا سبحانه يحافظ على دنيتك ان ربنا يحفظك في جسدك وفي بدنك - [00:52:15](#)

ربنا يحفظك في بدنك زي ما ربنا حفظ اصحاب الكهف اصحاب الكهف ربنا حفظ لهم ابدانهم. صح قال الله سبحانه وتعالى آآ وترى الشمس اذا طلعت ها تزاور عن كهفهم ذات اليمين واذا غربت الشمس كانت اصلا مواجهة للكهف - [00:52:31](#)  
فكان على مدار اليوم الشمس في قلب الكهف. الشمس على اجسادهم. فبالتالي الشمس الجسم اللي بيتعرض للشمس كتير بيحي له سرطان جلد فربنا بيقول انه غير مسار الشمس بدل ما كانت في وش في وش في وش الكهف اتغير مسارها - [00:52:51](#)  
وترى الشمس اذا طلعت ايه؟ تزاور عن كفين ذات اليمين واذا غربت تقرضهم ذات الشمال وهم في فجوة منه. لي يا رب غيرت مسار الشمس قال ذلك من آيات الله. اية معجزة من المعجزات - [00:53:12](#)

لا كرامة بقى عشان هم مش انبياء. كرامة من الكرامات. وهم في فجوة منه. الكهف ده مكان مكتوم. الهوا فيه ما بيتغيرش. فيبقى مليون سموم عارفين قصة لعنة الفراعنة لعنة الفراعنة الجزء الكبير منها ان دي اماكن فيها اجساد تعفنت من زمان بكتيريا وعفن وما فيش تغيير هوا في اماكن مليانة اوبئة فكان اللي بيخش جويا - [00:53:27](#)  
طب هم لما يقعدوا تلتमित سنة في قلب المكان ده ايه اللي يحصل؟ هيموتوا. ربنا يقول وهم في فجوة ايه؟ ربنا يجعل فجوة كاملة داخل هذا المكان. الفجوة دي عشان تجدد لهم الايه؟ ايه ده - [00:53:51](#)

قال الله عز وجل وتحسبهم ايقاظا وهم ايقاظا يعني عينيهم ايه؟ رغم ان هم ايه؟ طب ما هو اللي نايم عندهم مفتحة ولا مقفلة طب ليه علوم مفتحة؟ اصل العين وفضلت مفتوحة الماية اللي فيها تدبل. والماية اللي فيها لو تدبل لو وجفت العين تبوز - [00:54:07](#)

فلازم العين تفضل ايه تفضل مفتوحة ونقلبهم ذات اليمين وايه؟ لذا تلميذ ذات شمال اللي بيخش مستشفى ربنا يا رب ما يتوب على حد ويشفي مرضانا ومرضى المسلمين. اللي بيخش المستشفى ويفضل نايم على السرير لفترات طويلة ايه اللي بيحصل له؟ قرحة فراش لو - [00:54:26](#)

لازم نقلبهم ايه ذات اليمين وذات الشمال وكلبهم باسط ذراعيه ايه؟ بالوسيط الوسيط ده اللي هو فين؟ الحثة اللي قدام الباب عند المسجد دي. دي الوسيط علشان اي حد يعدي ويلقي كلب الكلاب بتبقى عايشة في جماعات وامم - [00:54:46](#)  
فلما يعرف ان في كلب قاعد هنا يبقى باقي الجماعة بتاعته فين؟ ابعد. حفظا لهم. وكانت من حكمة ربنا ان لازم الكلب يبقى برة مش جوة ليه علشان هذا مكان تتنزل فيه الملائكة - [00:55:04](#)

وان الملائكة لتدخل بيتا فيه يبقى لازم الكلب يبقى برة ايه ده ايه الحفز ده المحب الطبري رحمه الله رجل حفظ الله عز وجل في طاعته وعبادته وقربه من ربه عز وجل. بقى عنده اتنين وتسعين سنة - [00:55:18](#)

اتنين وتسعين سنة طالع هو واولاده طالع هو واولاده في سفر عفوا طالع هو وطلبة العلم في سفر راكب سفينة كبيرة نزلوا على جزيرة يدعوا اهلها الى الله فبينزلوا بال بقى وبينزلوا السلام وعايزين بقى يفكروا مين بقى اللي ياخذ ايد الشيخ من هنا وايد الشيخ من هنا واتنين يبقوا تحت ياخذوا رجلين الشيخ وخمسة سنة تحت عشان الشيخ لو وقع من الناس دي - [00:55:37](#)  
هم يلحقوا ياخدوه مرة واحدة وهم بيعدوا ده لقوا الشيخ نط هوب بس خلاص راح فيها راجل راح فيها راجل اتنين وتسعين سنة ده ده بيبقى عنده اربعة وعشرين سنة وبيقول ركبتي مش قادر واقف على رجليا - [00:55:59](#)

اتنين وتسعين سنة وينطوا النطة دي فطلبة العلم نزلوا بسرعة يعني ان لله وان اليه راجعون يعني اللهم اجرنا في مصيبتنا واخلف لنا خيرا منها. انت بخير؟ الحمد لله انا بخير. بخير ازاى يعني؟ ما فيش ايد - [00:56:16](#)

بتوجع ولا رجلي بتوجع؟ خالص؟ فقال لهم كلمة قال لهم هذه جوارح حفظناها لله في الصغر. فحفظها الله لنا في الكبر دي جوارح احنا حفظناها لرَبنا زمان. ربنا سبحانه وتعالى حفظها الان. تلاقي دائما اهل القرآن سبحان الله اهل القرآن تلاقي الراجل عنده تمانين وتسعين سنة - [00:56:30](#)

ما بينساش قرآن القرآن في دماغه تلاقي والله عنده جا له زهايمر في كل حاجة الا القرآن. ام آآ جدة حد زميلنا وهي بتموت يجي لها غيبوبة وهي في الغيبوبة بتقرأ - [00:56:50](#)

ده من القرآن ما بتغلطش في حرف في حركة ما بتغلطش حفظهم الله عز وجل هذه الجوارح حفظناها لله عز وجل في الصغر فحفظها الله لنا ايه؟ في الكبر. من حفظ الله عز وجل ها دين ودنيا - [00:57:03](#)

وفي صحتك وفي جسدك آآ كمان من حفز الله عز وجل انه يحفظ لك اولادك بقى من بعدك. الحفظ مش مش لك لوحده. ده حفظ ربنا سبحانه وتعالى لك ولاولادك - [00:57:17](#)

والاولاد اولادك والاولاد اولادك من بعدك. ما شاء الله لا قوة الا بالله ما شاء الله لا قوة الا بالله واما الجدار فكان لغلامين يتيمين في المدينة وكان تحته كنز لهما - [00:57:27](#)

وكان ابوهما ايه ابوهما ابن عباس بيقول كان الاب السابع الجد السابع يعني هو الاب يطلق على الجد. الجد يطلق عليه اب ملة ابينا وهو جدهم ايه يا رب مين فيكم عارف جيل دور رقم سبعة اسمه ايه - [00:57:41](#)

ما حدش يعرف. خلاص اكن الاجيال دي كلها محفوظة بصلاح مين صلح الرجل القديم ده الراجل اللي كان صالح زمان ده ربنا حفز كل اللي جاي من بعده في ايه - [00:58:01](#)

بصلاحه بحفظه لله سبحانه وتعالى احنا لسه في الجزء الاول من حفز الله عز وجل نكمل ان شاء الله الجزء الثاني من الجزء الاولاني من الجزئين بتوع حفز الله عز وجل الدرس الجاي بازن الله تبارك وتعالى. اه اه بفضل الله احنا عملنا مسابقة سورة النور. واه - [00:58:15](#)

بفضل الله احنا كنا متصورين تقريبا سبعين امتحان ودي طبعا الرقم ده ما كنتش متصور ان هو احنا نوصل لكده. واسناء الامتحان ناس جتك يعني طلبت اوراق امتحانات تاني فصورنا عشرة كمان حوالين المسجد - [00:58:40](#)

هنا داخل بفضل الله قرابة التمانين. بفضل الله في الامتحان بفضل الله عز وجل بنتنا لنا ربنا يا رب يحفظها ويبارك فيها. دي لها جايزة مني لان هي كانت اصغر متسابقة دخلت معنا - [00:58:55](#)

تانية اعدادي تقريبا ربنا يا رب يحفظها زوجتي قالت لي ان في ام من امهاتنا خمسة وستين سنة دخلت الامتحان حاضر في يوم من امهاتنا خمسة وستين سنة دخلت الامتحان. وبتقول لي زوجتي يا بنتي ده انا عندي زهايمر ما بفتكرش بس انا هخش الامتحان. ودخلت الامتحان وربنا يا رب - [00:59:10](#)

فيها ويحفزها ويجزيها عنا كل خير. والشباب ما شاء الله رغم ان ميت ترم والامتحانات حفزوا المذكرات ودخلوا وامتحانوا. وحان وقت بقى ايه الاعلان عن مين اللي هيطلع العمرة من الاولاد؟ ومين اللي هيطلع العمرة من البنات - [00:59:32](#)

نبدأ بالاولاد. اللي فضحونا وبهدلونا بصراحة اه فاز انا طبعا كان المفترض العمرة للاولاني بس. بس حد من اهل الخير ربنا يجازيه خير قال يعني هندي برضه جوايز كده عينية بسيطة كده - [00:59:47](#)

الخمس الاول. ففاز في المركز الخامس المحمدي سعيد المحمدي موجود ماشي وده المركز الخامس وجايب تسعين من مية بفضل الله سبحانه وتعالى ده الصبر فاز بالمركز الرابع حسن فرج حسن. خدوا بالكم الخامس جاي بكام - [01:00:04](#)

طيب الرابع حسن فرج حسن موجود طيب فاز بالمركز الرابع وجايب اتنين وتسعين من مية المركز الثالث احمد محمد عبدالرحيم. موجود؟ وجايب ثلاثة وتسعين من مية المركز الثاني عبدالرحمن طارق - [01:00:24](#)

موجود ده حسن الزن فيك يا عبدالرحمن بس انا ربنا يوفقك. الامتحان الجاي يبقى الاول ان شاء الله. وجايب خمسة وتسعين في المية. تعال يا عبدالرحمن واما المركز الاول وفاز بالعمرة فالحصان الاسود للمسجد ابراهيم احمد عبدالله الف مبروك يا ابراهيم الف مبروك - [01:00:47](#)

حبيبي اما بالنسبة للبنات طبعا ابراهيم جه بفضل الله تمنية وتسعين بفضل الله جاب تمنية وتسعين. ربنا يا رب يجزيه خير ويكرمه ويوفقه ان شاء الله ابراهيم ان شاء الله طالع معنا العمرة القادمة باذن الله تبارك وتعالى - [01:01:09](#)

اما البنات ايه تطلع واسطة تطلع فوق دماغي يا جلال ربنا يحفظك ماشي طيب ماشي يا ابو خليل ربنا يكرمك يا حبيبي. الف مبروك طيب ماشي يا عبدالرحمن ده طالع العمرة ان شاء الله - [01:01:28](#)

فايز طبعا عند النساء بقى المركز الخامس عند النساء هو الاول عند الرجال. يعني ابراهيم ما شاء الله الاول جايب تمنية وتسعين الخامس عند البنات آآ رفضت ان هو يذكر اسمها - [01:01:47](#)

ورفضت الجائزة وقالت هي لله جزاه الله خير المركز الرابع جايب تمنية وتسعين المركز الرابع الجوايز طبعا مع زوجتي ولا بتوزعها على البنات مها احمد صبري جايب تسعة وتسعين ونص - [01:02:02](#)

المركز الثالث المركز الثالث آآ لميس محسن وجايب تسعة وتسعين وخمسة وسبعين من مية في المية المركز الثاني المركز الثاني آآ ام عمر وجايب المركز الثاني وجايب مية من مية - [01:02:20](#)

وتقاسم العمرة. وتقاسم العمرة عند البنات بنتين ما شاء الله لا قوة الا بالله. آآ هم خدوا المذكرة وكتبوها في قلب ورقة الاجابة شيما السعيد علي وفاطمة محمد محمد ما شاء الله ربنا يا رب يبارك فيهم فيهن اجمعين. جايبين برود مية من مية وما شاء الله اجابات - [01:02:54](#)

يعني نموذجية بتطلب خمسة يحطوا لك عايز خمس نقط يحطوا لك عشرة اتناشر تلتناشر. بادلتهم بتفصيلهم بالحواشي بتاعتهم. ربنا يا رب يجزيهم خير عايز بس برضو يعني اه اه الشكر للبنات انا كنت متحير ما بين الاخت شيما والاخت فاطمة - [01:03:19](#)  
لان لازم واحدة بس هي اللي تطلع عمرة. يعني واحدة بس هي اللي تطلع عمرة يعني احنا قلنا ان احنا هم الاثنين يتقاسموا اه في العمرة باذن الله بدل ما واحدة بس تطلع وواحدة تانية ما تطلعشي هم الاثنين يستحقوا بفضل الله. فكل واحدة منهم بفضل الله - [01:03:35](#)

يتقاسموا الجائزة مع بعض باذن الله تبارك وتعالى آآ عايز اشكر ابراهيم ربنا يا رب يجزيه خير ابراهيم حديث عهد بالحضور في في معي. انا ما عرفش قبل كده طبعا كان مع الدكتور احمد النقيب تقريبا على طول. ربنا يا رب يحفظه. حديس عندي معنا في - [01:03:50](#)

ربنا يكرمه. ابراهيم وهو بيحل كان بيكتب آآ الفائدة دي المذكرة كذا كذا كذا. وهي مذكرة. انا كاتب طبعا تحت تفسير الطبري مسلا مجلد صفحة كذا صفحة كذا. فيكتب تفسير الطبري المجلد كذا صفحة كذا. ربنا يا رب يكرمه ده في كل آآ - [01:04:08](#)  
يعني. قربنا يا رب يجزيه خير ويفتح بين ايديه. هو وكل اخوانه وهنينا لك يا ابراهيم. انس وآآ وفاطمة وشيما. هنينا العمرة وربنا يا رب يجعلنا دائما كده آآ من الناس اللي حريصة على العلم - [01:04:27](#)

وفرحتنا دلوقتي بقى يعني فرحة ابراهيم دلوقتي يعني انه طالع عمرة وفرحة البنات فرحة كبيرة دي ده يا اخوانا دي ثمرة التعب المذكرة انا عارف ان الزكرة كانت صعبة جدا - [01:04:43](#)

وكانت كبيرة جدا يمكن اكبر الدورات اللي البنات خدوا فيها مذكرات والمذكرة اسلوبها علمي بحت اه تعبوا واجتهدوا وذاكروا ربنا يا رب يجزيهم خير ويتقبل منهم. ويفتح بين ايديهم. وان شاء الله يعني انا كنت بفكر ان شاء الله نعمل الدورة الجديدة - [01:04:58](#)  
حاجة بقى في العقيدة باذن الله. بس انا بستخير كده وبستشير تكون بعد نص السنة عشان انا عارف الداخلية على الامتحانات ولا نعملها بعد بعد نص السنة ان شاء الله. ربنا يا رب يفتح بين ايديكم. ويجزيكم خير. نبص كده على الاسئلة السريعة. قبل الاسئلة - [01:05:16](#)



قبل الاسئلة في اخ من اخواننا آآ انا ما اعرفوش بس واقع في كرب شديد جدا يعني يعني ما يتحملوش يعني يعني احنا عايزين بردو زي ما بنفرج دايم كده ربنا يجعلكم دايم سبب لتفريج الكربات عن الناس - [01:05:35](#)

الاخ ده ابتلي ببلاء شديد جدا. يوم الاربع اللي فات اه اه بيته اتحرق وفاقد في الحريق ثلاث بنات يعني ثلاث بنات يعني خمسة ابتدائي تالته ابتدائي وبنت صغيرة في السن - [01:05:54](#)

اه طبعا يعني خروج البنات اصلا من البيت بعد الحريق طبعا امر يعني عسير جدا على الاب والام الامر فعلا عسير اوي. همليكم الرقم وبالله عليكم اللي يقدر يتصل عليه يذكره بالله وينصحه. ويذكره بفضل البلاء يبقى جزاكم الله خيرا. اللي اللي يعني مش هيقدر يتكلم او - [01:06:13](#)

كده بيعت له بس رسالة يعني يصبروا بها واحنا يا اخوانا مش عايزين نستقل ابدأ باتصال او برسالة. هتفرق كثير جدا معهم. هو الاخ اسمه محمد جمال الاخ اسمه محمد جمال - [01:06:33](#)

رقمه صفر اتناشر رقمه صفر اتناشر حداثر تمانية وخمسين اثنين واربعين واحد وتلاتين تاني تاني صفر اتناشر حداثر تمانية وخمسين اثنين واربعين واحد وتلاتين ان شاء الله الكل بعد الدرس يا اخوانا الكل بعد الدرس بيعت له رسالة كده نهون عليه من امر هذه المصيبة. وانا آآ يعني ارجو كده ان انت ان شاء الله ترتب لنا - [01:06:47](#)

موعد ترتب لنا موعد ان شاء الله ونروح نزوره نروح نزوره بازن الله كده زيارة في الله وعزاء يعني ناخذ اثنين تلاتة من الاخوة كده ونروح نزوره بازن الله برضه من باب ايه؟ تخفيف المصيبة عن اخ - [01:07:19](#)

ان شاء الله حبيت بس ده قبل الاسئلة سريعا كده بقى نشوف الاسئلة بتاعتكم. حد باعت لفترة جميلة بيقول اه والذين جاهدوا فينا لنهدينهم سبلنا. فقايل السبل دي جمع مش مفرد مش السبيل - [01:07:33](#)

ويكأن الله سيفتح له كل الطرق اليه سبحانه وتعالى. جزاكم الله خيرا لو سمحت يا شيخ لو ادركت الصلاة بعد انتهاء الامام من الركوع هل علي ان اعيد الركعة مرة ثانية؟ ايوه يجب عليك ان تعيدي الركعة مرة ثانية لان النبي علق قبول - [01:07:51](#)

بقعة او حساب الركعة على ادراك ركوع. قال من ادرك الركوع فقد ادرك الركعة اه لو سمحت يا شيخ هل تعليم الاولاد القرآن وحفظ تعليم القرآن وحفظه يكون شفيح لوالديه حتى لو لم يختمه الاولاد حفظا؟ اه يكون شفيح للاولاد - [01:08:05](#)

قال النبي صلى الله عليه وسلم من تعلم من عمل من تعلم القرآن من عمل بالقرآن من عمل بالقرآن البس والداه يوم القيامة والداه يوم القيامة حلتان لا تقوم لهما الدنيا وما فيهما فيقولان اي رب بما - [01:08:23](#)

كل هذا فيقال باستغفار ولدك لك آآ نرجو الافادة هل يصح حديث من فاته الصلاة في عمره ولم يحصها فليكن في اخر جمعة من رمضان ويصلي اربع ركعات حديث موضوع لا يثبت عن رسول الله صلى الله عليه وسلم. السيدة مريم مدة حملها قد ايه -

[01:08:40](#)

الله اعلم الله اعلم لو فيه خير ذكره الله لنا عايز اعرف معنى المهدي آآ المهدي مأخوذ من الهدى وهو الذي يدل الناس على طريق الخير. والمهدي آآ لفظ اطلقه النبي صلى الله عليه وسلم على العديد من الاشخاص - [01:09:02](#)

اطلقها النبي صلى الله عليه وسلم على الخلفاء الراشدين. قال فعليكم بسنتي وسنة الخلفاء الراشدين الايه؟ المهديين من بعدي. فالمهدي هو صاحب العلم وصاحب الدين الذي يأخذ بيد الناس الى طاعة الله سبحانه وتعالى. وهم في كل قرن على رأس كل مائة سنة بيعت - [01:09:26](#)

الله عز وجل فرض او مجموعة من الناس علشان يكون هو بمثابة المهدي واخر واخر هؤلاء المهدي الذي بشر النبي صلى الله عليه وسلم به في حديثه. جزاكم الله خيرا - [01:09:46](#)

- [01:10:06](#)